

**UVijayKumarMantrikum u State Chief CommisionerkaStateAssociation**

**Shillong, Jylliew 11:** Ka jingialang kaba 84th ka State Executive Commitee jong ka Meghalaya Bharat Scouts and Guides la pynlong ha ka sngi Palei hapoh ka P J Bazeley Auditorium Hall bad ia kane ka jingialang la pyniaid hapoh ka jinglong Chairman u Vijay Kumar Mantri u IAS Commissioner & Secretary ka tnat Pule puthi.

Ha kane ka jingialang la aiti ha u ia ka Warrant of Appointment ban long kum u State Chief Commissioner ka State Association da u State Secretary bad u Vice President barim u Bah W. Lyngdoh. Shuhshuh ka State Commissioner (Guides) kaba la shah thung thymmai ka Cathleen Pyngrope, bad State Commissioner (Adult Resources) ka Willess Gayang, ki la iohpdiang ia ki Warrants of Appointment ba kin treikam hapoh ka State Association.

Kane ka Committee ka la iakren ia kiba bun ki mat kiba kongsan bad pynleit jingmut ia ki jingshim ki rai bad ki rukom treikam ba la pynwandur ia ki kam kiba long ka jingmyntoi ia ki samla jong ka jylla.

U Chairperson ha ka jingkren, u la banjur ia baroh ki dkhot ba kin iatreilang bad ban iadon bynta bun ki kam kiba thymmai kiba ym tang ba kin khring ia ki hynrei ba kin long ka jingai mynsiem ia ki samla kiba long ka pateng ban wan bad kin iasoh bad kane ka jingthmu.

**Leit kynduh DC ki nongialam ka Synjuk Rangbah Shnong Langpih Area**

**Nongstoñ, Jylliew 11:** Namar ka jingpynsahteng jong ka sorkar ban pynbeit ia u pud u sam ha ki jaka kiba hap ha ka Langpih sector mynta ka sngi palei ka 11 tarik Jylliew ki nongialam ka Synjuk Nongsynshar Shnong Langpih Area ki la leit ban iakynduh ia ka Hema Nayak IAS Deputy Commssioner ka West Khasi hills district ban pan jingshai ha kaba iadei ka jingsynsah teng jong ka sorkar ban pyndep noh ban pynbeit ia u pud u sam jong ka Langpih sector kumba ki ar sorkar ha ki snem ba la dep ki la dep thung ia ki Regional Committee on Border Dispute ba kin peit bad khmih bniah ia ki shnong ki thaw bad ki jaka ki puta kiba hap ha katei ka sector na ka bynta ban pynbeit noh.

U bah Serbilin Lyngdoh bad u bah Sandy Synshiang kiba dei ki nongialam ka Synjuk haba iakren bad ki lad pathaikhubor hadien ba ki la mih na kamra trei kam jong ka Deputy Commssioner ki la ong ba ha ka jingleit iakynduh jong ki ka Deputy Commssioner ka la ong ba haduh mynta kam pat ioh jingtip ei ei ba kitei ki Regional Committee on Broder Dispute ki don bad kam don jingtip ruh la ki trei kam.

Ha kaba iadei bad ka jingjubab jong ka Deputy Commssioner kitei ki nongialam ka synjuk ki la pynpaw ia mkajinglyngoh kaba khraw namar ha ka jingshisha ki Deputy Commisioner ki dei ki bor pyniaid kiba ha khlieh duh jong ki district hynrei ka sorkar pat kam pyntip satia. Ha kahuj ka por ki la ong ba ha ki snem ki ar tylli kii sorkar Assam bad Meghalaya ki la dep thung ia ki Chairman jong ki Regional Committee hynrei kim shym la pyndep ia ka kamramkab ki dei ban leh.

Kltei ki nongialam ka synjuk ki la ong ruh ba kim kwah shuh ban iohi ba ki huri ura bad ki jingeh ba bun jait kin dang mih na ka por sha ka por ha ka thain Langpih bad ki da kwah eh ba ka sorkar kam pnykut noh shi syndon halor ka jingiakren pynbeit pud namar lada iai ap sa katno phew snem ruh imat kam ym don kano kano ka jingsei soh bad kin ym lah hi ruh ban pynbeit ia u pud u sam.

**5000 hecтар ka jaka bad kumba 2 klur tam ki**

project kam dei kaba bei pisa da ka Sorkar, hynrei ka dei kaba bei pisa tyngka da ka Company AstraZeneca. Ka daw kaba pynlong ia kane ka company ban bei pisa ka long ban pynjyrngam biang ia ka mariang kaba long shibynta ka kam jong ka company ban trei ha ka dur jong ka Carbon Credit lyngba ki dieng ba la dep thung.

U kongsan ha kane ka prokram, u dei u Bah C.S. Kassar, MCS, Additional Deputy Commissioner ka South West Khasi Hills District ha ryngkat ka jingdonlang u Bah Commander Shangpliang uba dei kum u Chairman jong ka Hill Farmers Shi-i-take Mushroom Co-operative Society Limited, ka Kong Ibadaphunshisha Blah, Managing Director Worview Impact, ki Rangbah Shnong bad ki Myntri shnong kiba hap hapoh ka South West Khasi Hills District.

U Bah C.S. Kassar, MCS, Additional Deputy Commissioner ka South West Khasi Hills District haba ai jingkren ha kane ka sngi, ula pynshai halor ki lai tylli ki mat ba kongsan eh ban pynneh pynsah ia ka mariang sawdongsawkun. "Kawei na ki mat ka dei ban pynphriang ia ka 'Green Cover' hapoh ka South West Khasi Hills Dis-

trict da kaba thung ia ki dieng ki siej", u la ong. Nangta, shuh shuh u la bynrap ba kaba ar, ka long ba ula ban jur halor ka ban pyniduna ia ka jingpyndonkam ia ki plastik bad kaba khatduh, ula kyntu ia u paidbah ban iashimbynta bad don ka jingiatreilang ban pynbha bad pynkhuid ia ka dong ka thain baroh kawei.

Katba ha ka jingkren jong u u Bah Commander Shangpliang, Chairman jong ka Hill Farmers Shi-i-take Mushroom Co-operative Society Limited ula batai shai shaphang ka Project Regeneration Meghalaya, kaba long ka jingiatreilang hapdeng ka Hill Farmer's Shi-i-take Mushroom Co-operative Society, World View Impact, bad ka EarthTree. Ym tangkata u la batai shuh shuh ba kane ka dei ka projek ban pynjyrngam biang ia ki jaka kiba la sylle ne ki bym dieng shuh da kaba thung ki tynrai dieng, bad lyngba kane Carbon Credit.

Haba batai biang ha kaba ia dei bad kane ka projek thung dieng, u bah Commander u la ong ba, ia ki symbai dieng bad ka bai bylla lah pynlut hi da kane ka projek bad ki trai jaka kim donkam ban pynlut ei ei. Haba pynshai halor Ka jingteh kular (Agreement), u bah Commander u la ong ba ka jingiatehkular ka dei beit thik

tang na ka bynta ka Carbon, kam dei halor ka jaka ka puta, "lait noh ba kin nym ot ia u dieng metbah ha ki 40 tylli ki snem naduh ba la sdang ban thung, hynrei ki lah ban pyndonkam ia ki jaka jong ki kum ki jaka jingohkai pyrthei (Tourist Spots) ne ban tam ia ki dieng kiba la iap bad kumjuh ruh rep ban riang", u la ai jingpynsai.

"Ka Regeneration Meghalaya Project ka la dep ban thung haduh 2 klur tam tylli ki dieng ha kylleng ka jylla lyngba ka jingiatreilang bad kumba 3,500 ngut ki trai jaka, kynthup ia ki riew shimet, ki kur, bad ki shnong bad haduh 5,000 hecтар ka jaka ki lah dep ban pynthung dieng", la bynrap u Commander ia ka jingkren jong u.

Namarkata, u bah Commander u la kyntu bad buh jingkyrpad ia ki trai jaka, ki kur, ne ki shnong kiba don jaka sylle bad kiba kwah ban thung dieng, ban iakynduh bad ki District Co-ordinator bapher bapher kiba don ha ki district bapher bapher ha ka jylla.

Ia ka jingialang ha kane ka sngi la pyniaid na u bah Allfondbirth Kharsyntiew uba dei u Secretary jong ka Hill Farmers Shi-i-take Mushroom Co-operative Society Limited.

**Pynsangeh noh ka kynhun sengbhalang**

pyntip ba ka kynhun ka la shim ia kane ka rai hadien ba ka Sorkar ka la rai ban pynsangeh noh ia ka SAI Computer Ltd ban trei kam hapoh ka Mawsynram Sub-Division. Na ka liang u Chair-man ka kynhun, u la pynpaw ia ka jingsngewnguh bad jingiaroh sha baroh ki paidbah, ki nongialam shnong bad ki para sengbhalang, kumjuh ruh ia ki nongialam jong ka Central Body, kiba la ai ka jingiatreilang kaba pura bad kaba khelaii ha kane ka jingiakhhih.

U la kyntu ruh ia ki paidbah ba kin ym siew ia ka bill bording elektrik haduh ba ka Meghalaya Power Distribution Corporation Limited (MePDCL) kan wan shimti biang ia ka jingsam bording hapoh ka Sub-Division.

**Ka jingpynieng ia u Dr. Nonglait ka dei ka**

shiteng samoi ka ban wan." Halor ki jingkylli halor ka jingbym buh kyrtong kynthei, u Bah Dhar u la iada ia ka rukom jied kyrtong jong ka NPPU la ong ba ia kane ka rai la shim hadien ba la pan jingmut na ki party unit ha kylleng ka jylla. "Kata phi lah ban kylli na ki. Na ka bynta ka NPP, ngim ju rai na jrong. Ngi ju sngap beit ia ki jingai jingmut bad ki jingai jingmut na baroh ki unit jong ki 36 tylli ki constituency, ki la ai jingmynjur ia u Dr DRL Nonglait bad ngi hap ban pdiang ia kata", u la ong.

U Bah Dhar u la kynthoh ruh halor ki khubor ba dang shen ba ki nongkyrshan jong ka VPP ki la leit ban kynshan sha ka NPP, khamtam ha ka thain Khasi-Jaintia.

"Hooiid, nga la iohi ia kata. Khamtam ha ri lum Jaiñtia, ki la hiar haduh katta katta, wat ha ri lum Khasi ruh, man la ka sngi ki jingkheñ ki nang hiar ha kylleng ka thain Khasi-Jaiñtia kumba ki brieve ki nang ban sngewthuh," u la bynrap.

**Ka kabuksiar ia kiba la hehrta ban pyndep**

tang iaka klas 7 shapoh, ki lah ban leit ia kynduh ia u ha North Liberty HSS kaba don tang 200 seats bad kaba la jied da ka sorkar kum kawei na ki Center ban ai jinghikai manla ka sngi Siatjaini ka ban sdang noh hadien jong une u bnai Jylliew, 2026. Ula ai khublei iaka sorkar lyngba u Myntri Rangbah ka jylla uba la don jingmut ia kane, da kaba pynsngew wat ban ioh ia ka Driving License mynta dei ban don ia ka kyrdan pule, u Sir. Richard u khot ia kito kiba la don 30 ne 40 snem shaneng kiba la thrang ban pyndep ia ka jingpule Matrik ba kin wan sha kane ka jingshah hikai ha katei ka skul North Liberty HSS.

Shuh shuh ula kyntu ba kin wan kloï sha kane ka jingshah hikai da kaba pyndap iaka Form na ka bynta ka jingmyntoi jong ka imlang ka sahlang bad ban pynurlong iaka jingthrang jong ka sorkar kaba don iaka thong baroh ki nongshong shnong ki dei ban pass iaka Matrik bad ban nang kyndiat kynshoit shaphang ka Mathematic, Science, English bad kiwei de ki Subject.

**Mynsaw 3 ngut bad pra ka dukan ha Umdihar**

bad leit tynrah beit ia katei ka dukan. Halor kane ka jingjia haduh ba 3 ngut ki samla kiba dang bamja kila mynsaw bad la pynkit noh sha Nongpoh Civil Hospital naka bynta ka jingsumar bad naka liang ki pulit ka Nongpoh Traffic ki dang pynlong ka jingtohkit halor katei ka jingjia.

**La heh mynsiem ki kali kamai ba mab ka**

kuna kiba iadei bad ki Fitness Certificate. Kumta, na ka liang ka Tnad Transport ka kaba kaba ia kane ka skhim bad pyndep ia ki jingsiew jong ki, ka sorkar ka lah ban lum khajna kumba 180 haduh 200 klur tyngka ei ei.

La iathuh ruh katkum ki jingtip ba la ioh lum, la paw ba ki don haduh kumba 65,000 tylli ki kali kiba khlem pat siew ia ka khajna Motor Vehicle, nangta 12,642 tylli ki kali ki dang sah khlem pat siew ia ka Goods and Passenger Tax, bad palat 57,000 tylli ki kali ki dang sahkat ha ki kuna kiba iadei bad ki Fitness Certificate.

**Maham ki bor Distrik ka EKHs ban ym pat shah**

Katkum ka jingpyllait khubor, la kdew ba kane kadei namar ka jingma kaba jur na ka jingkyhllem khyndew ne landslide, ka jinghap maw, bad ka jingkhang surok namar ki kam shna surok kiba dang laid shakhmat ha kane ka lynti.

Na ka bynta ka jingshngain, la ai jingmut is baroh kiba leit jingleit ba kin pyndonkam is ka surok Shillong — Jowai — Amlarem — Dawki, kaba kham shngain ban poi sha Dawki bad sha kiwei pat ki jaka jingohkai kiba marjan.

La kyntu ia baroh kiba leit jingleit ban

Kumta, halor kane na ka liang u Symbud Myntri Rangbah u la kyntu ia ki paidbah kiba dei ki trai kali kynthup naduh ki trok kamai ba kin shim kaba ia kane ka skim katba ka sorkar ka dang plie laid haduh ka 31tarik Nailar, 2026 da kaba siew dep ia ki khajna baroh khnang ba kin lah pat ban sdang biang ia ka kamai kajih jong ki.

U la ban jur ruh ba hadien ba ka skhim ka kut, ki trai kali kin hap ban bteng ban siew man ka por lane man u bnai katkum ki aiñ kiba treikam mynta. U la ong ba ka sorkar kam lah ban wanra ha kum kine ki skhim pyllait khajna man la u snem.

kiar na ka jingleit bym donkam lyngba ka surok Shillong—Pynursla—Dawki.

La bthah ba dei ban bud ryntih ia ki jingbthah ba la pynnih da ki bor synshar shnong bad ki pulit pyniaid kali. Nangta ban peit bha ia ka jingtip shaphang ka suinbng bad ka jinglong jingman jong ki surok shuwa ban sdang ia ka jingleit.

Ban long kiba husiar bha haba leit jingleit, khamtam ha ki por ba jur slap bad ruh ba dei ban pyntip mardor sha ki kynhun ai jingiarap ba kyrkieh da kaba phone ha u number 112.

**Da ka 4<sup>th</sup> Felicitation Award 2026' pynshlur ka**

Uriah, u MDC ba shu sieh ma Octomewot Lamin, u Waheh Shnong Mihmyntdu ma Abul Phawa, ki wahed Dong ka shnong, ki samla pule, ki kmie ki kpa lem lem bad ki nongshah khot sngewbha.

Baroh ki samla pule jong ka shnong kiba la shah pynkut burom ha kane ka sngi kila don haduh 63 ngut napdeng ki don haka Class XII jong ka Scienc, Arts & Commerce ki don 28 ngut, haka Class-X ki don 31 ngut, ki samla pule kiba pass wat hapdeng ka jingduna hi ki dkhot met ki don 2 ngut, la ai khusnam ruh ia u Dr. Sammarjanki Rymbai MBBS, M.S (Orthopaedics) bad 1 sha ka nongialehkaï Sport. Haka juh ka por ka DS kala sam khusnam sha ki ar tylli ki skul hapoh ka shnong kiba la pass 100% Percentage.

Naka liang u kongsan ma Wailadmiki Shylla haba ai jingkren ula iaroh ia kitei ki samla pule jong ka shnong Mihmyntdu kiba la poi shakhmat haki jingpule, da kaba kyntu bad kitbok kitrwiang ba kin nangiai kiew shaphrang ha ki jingpule bad ban iakhun ban pass ia ka Exam UPSC na ka

bynta ki kam IAS, IPS bad kiwei de namar mynta ym don shuh kiba pass ia kaen ka Exam napoh ka jylla.

Ula ai khublei iaka Dorbar Shnong kaba la lah ban pynlong ia kum kane ka prokram ha ka sien kaba saw, da kaba kular kum u kongsan ban ai jingiarap ia kane ka jingpynkhreh da ka song pisa kaba 50 hajar tyngka.

Shuh shuh ula pynsngew ka por mynta ka long kaba donbok eh bad ka long ruh ka por kaba sniew bok eh namar ka jingdon jong ka juk Technology kaba la don lypa ha ka kti, kumta u kyntu ia ki samla pule ba kin nang bha ban pyndonkam namar ka por jingialeh kala kiew bha shaba palat.

Ha ka liang ka ioh kam ioh jam ula ong kiba bun hi ki pynleit jingmut tang ha ki kam DSC, MPSC katba ha ki laiñ ba kham shalor ym don kiba bteng ban leit pule bad kane kala buh jingeh ia ka jylla hi baroh kawei ong u ma Wailad. Daka kyntu hadien bala dep ia ki jingpule dei ban wan trei shapoh ka jylla bad ban pynkiew ia ka shnong ka thaw ha baroh ki liang.

**Pynshai ka WJSU halor ki trok bar jylla ba kamai sha ka**

kyrpad ia ka Council ban tuklar lem ia kane ka jingjylleï kine ki truck bad ban leh katkum ki aiñ ki kyndon ka Council ban leh ia kaba dei.

Ka Council khlem shong kli kti ka la hiar mar mar sha ki thain Dawki ban check ia kine ki kali dkhar bad sam sha kine ki truck bad la bthah ia ki ba ki dei ban pynbning ia ki trading licence bad kiwei de ki kot ba donkam. Halor kane ka jingtrei bor bah ka Council ka seng ka ai ka jingsngewnguh bad ka jingiaroh sha ki nongialam ka Council.

Na ka liang u samla Stalwos Pohkyrnu, General Secretary ka seng u sngewlyngngoh ia kine ki para seng kiba wan ban khynra ia ki kot ki sla jong kine ki kali dkhar ha ka 10th June 2026 wat haba ka District Council ka la leh iala ka kamram naduh ka 8th June, 2026.

Shuh shuh u Samla Pohkyrnu, ula ong

ba la dep ai jingthoh sha ka Warjaiñtia Truck Owners & Drivers Association Warjaiñtia ban nym leh Shilliang khmat bad ha kaba iadei bad kine ki kali dkhar, la ong ruh ka seng kam pyrshah ne kyrshan ia ka jingai ne bym ai trading licence sha kine ki kali dkhar, hynrei la shu bynshet beit katkum ka jingi bit ka truck Association ka thain bad ka seng ka kloï ban iatreilang bad kane ka Association na ka bynta ka bha ka miat bad ba ioh ka kot ka thain.

Ula pynpaw kine ki kali dkhar ki wan ban kamai shane lyngba ka jingwanrah ki nongkhaii jong ngi hi, naduh ba ka judicial intervention ia ki truck bym don kot don sla, kine ki nongkhaii jong ngi kim banse ban wanrah da ki kali dkhar. La pynkut ka kyrwuh na u samla Raul Manner uba dei u Joint Publicity Secretary WJSU Central Amlatdoh, Amlarem Civil Subdivision West Jaiñtia Hills District.

**Bym don ba aireng jop suk u James**



kynhun synrop baroh khamtam ia ka party kaba la shaniah ha u ban shimti ia kane ka shuki. U ong ruh ba ka dei ka jingiop bad ruh ka burom kaba khraw bad kumta u shim da ka jingkitkhlieh ia kane ka jingshaniah jong ki.

"Ngam lah ban batai ia ka jingsngewburom kaba nga don namar ba la aiti ha nga ia kane ka jingkitkhlieh. Ka jingioh ban mihkmat ia ka Meghalaya ha Rajya Sabha ka dei ka kamram kaba khraw, bad ngan pyndep ia ka da ka jingaiti lut kaba pura," u la ong.

Da kaba ban jur ia ka jingdonkam ban pynkhlain ia ka sur jong ka thain shatei lammihngi ha ka kyrdan ri, u James u la ong ba u trei shitom ban pynthikna ba ki jingeh bad ki jingangnud jong ka Meghalaya bad ka thain Northeast baroh kaewi kin ioh ia ka lad kaba kham khraw ha Parliament.

"Namar ba ka jingmihkmat jong ka Northeast ha Parliament ka dang duna,

bunsien ka long kaba eh ban ioh lad ban rah ia ki mat jong ka thain. Hynrei da ka jingbteng bad jingiatreilang, ngan pyrshang ban pynthikna ba ka sur jong ka Meghalaya bad ka Northeast kan sawa kham jam ha Rajya Sabha," u la ong.

Haba batai ia ki kam kiba hakhamat eh jong u, u James Sangma u la ong ba u buddien da ka jingtrei shitom ia ki mat kiba kongsan jong ka jylla, kynthup ia ka jingrung jong ka Ktien Khasi bad Garo ha ka Khyrmit kaba Phra jong ka Riti Synshar ka Ri India bad ka jingpyntreikam ia ka Inner Line Permit (ILP) ha Meghalaya.

Shuh shuh, u Sangma u la ong ba nalar ka jingrah ia ki mat ha Rajya Sabha, un treilang bad ka Sorkar Meghalaya bad ki tnat bapher bapher ha New Delhi ban pynurlong ia ki projek pynroi, ban wad jingiarap na ka sorkar pdeng bad ban pynthikna ia ka jingpyntreikam kaba bha jong ki skhim sorkar ha jylla.